

Incuntada de oraziun a Oies: chësta dumenia, ai 11 de jügn en ocajiun di 100 agn dales apariziuns de Fatima cun la comunité "Nuovi Orizzonti". Dales 15:00 corona cun poscibilité de se confessé, dales 16:00 S.Messa dales 17:00 adoraziun a SS.Sacramënt, benedisciun y afidamënt a S. Maria.

La "Bancarella dl mangé": deura por le prüm iade en jöbia ai 15 de jügn. Spo vigni jöbia, dales 9:30 ales 11:00, pón passé tla bancarella a Badia, tla Ciasa di Pici basite, a se tó patüc da mangé che le Despar da La Ila mët a disposiziun. Al é alimentars cun na data de scadënza plö cürta che doss tosc gní adurá. Families y porsones di comuns de Badia y Corvara che oress gní a se tó valch debann é dër bel inviades.


Seniorenparch: le comun de Badia lascia alsavëi che al vëgn indo metü man cun l'ativité al Seniorenparch da La Ila por la jënt de tēmp vigni mercui (10:00-11:30). Prenotaziuns por le pulmino che passa a tó nōsc senioren al nr. tel. (Igi 348 4096357 o Ubi 338 3462087). Do la ginastica vëgn duc indō mená te sū paisc. Anuzede trōc chësta ocajiun.

Let's talk English: conversaziun por inglesc por renfresché y mioré le lingaz cun Lalena Stull a La Ila te biblioteca ai 13 de jügn dales 20:00.

Le sorvisc aministratif (Krankenkasse) y le sorvisc da tó jō sanch a Picolin resta stlüt dal 19 de jügn inant por 5 edemes por gauja de laurs.

Duc é dër bel inviá al "**Festival Alta Badia Balance**" dediché ala sanité, natüra y bëgnester dla porsona che mët man ai 14 de jügn dales 17:00 inant, tla Ciasa dla Cultura da La Ila (presentaziun program dales 19:00). Ai 15 y 16 de jügn dales 13:30 gnarál tralater ince pastelné linternes cun i mituns pur na iniziativa de benefizënza. Informaziuns al nr. tel. 3408279116 o www.altabadiabalance.com

Le grup "Atmosfera" se abina en jöbia ai 15 de jügn dales 15:30 tl Raiun Sozial a Picolin. Chësc iade modelunse cun arjila adöm cun Irina Tavella y Barbara Rungger. Informaziuns pro Sabine Rainer tel. 0474/524519.



Plata dla Ploania

Badia

San Iaco - San Linert

Ploan: Siur Iaco Wendelin Willeit

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz

UNITÉ PASTORALA



www.unitepastorala.org

Ann „A“ 11.06. - 18.06.2017 Festa SS. Trinité n. 29

Der dreieinige Gott
sagt uns:

Vor Grundlegung der Welt
habe ich euch auserwählt
und
mit ewiger Liebe geliebt.



Vangele dla Domënia che vëgn - Festa d'Les Antles

Jan 6, 51-58

Te chël tēmp ti á Gejú dit ala meja: Iö sun le pan vi che é gnü jö dal cil. Sce un mangia de chësc pan viaral por dagnora. Le pan che iö dará é mia cern, i la dá ca por la vita dl monn. Dailó se stritá i iüdes y dijó: Co sciafiel pa da nes dé súa cern da mangé? Gejú ti á dit:

Amen, amen, i ves diji: Sc'i ne mangëis nia la cern dl Fi dl Om y ne boiëis nia so sanch, ne n'ëise nia la vita te os. Chël che mangia mia cern y bër mi sanch, á la vita eterna, y iö le ressuscitará l'ultimo de. Deache mia cern é veramënter na spëisa, y mi sanch é veramënter na boanda. Chël che mangia mia cern y bër mi sanch, chël romagn te me y iö romagni te ël.

Sciöche le Pere che vir m'á mené me y sciöche iö viri tres le Pere, insciö saral vi-gnun, che mangiará me, che viará tres me. Chësc é le pan che é gnü jö dal cil. Cun chësc n'éra nia, sciöche cun le pan che i peri á mangé y é impó morc. Chël indere che mangia de chësc pan, viará por dagnora.

FUNZIUNS SACRES

- 11.06. **Festa dla Ss. Trinité** – Domènia dles Families
10.00 Mëssa por la Comunità
18.00 †to Paulin Irsara - aniversar
†ti Albert Tavella y Milio Costisella
por fam. Georg y Paula Schmid
- 13.06. Mertesc - S. Antone da Padua
19.30 **Mëssa a Pescol:** por la vijinanza de Pescol
†ti de Florian y Lucia Sottara
por fam. Sandro y Lucia Valentin
- 14.06. Mercui
07.30 †ti Adele y Giovanni Pescolderungg – aniversar
†ti Nane, Pasquale, Valire y †ti Irsara de Ciastel
por na familia
- 15.06. Jöbia – S. Vito
19.30 †ti Mariangel, Richard, Maria y Antonietta Anvidalfarei
†to Antonio Palumbo
por fam. Tone y Clara Anvidalfarei
- 16.06. Vëndres
08.00 Mëssa de conclujiun dl ann de scola elementara
†tes Frieda, Nane y Maria Valentin
†to siur Heinrich Videsott
por fam. de Erica Canins en ringraziemënt
- 17.06. Sabeda
16.00 Mëssa a Oies
- 18.06. **FESTA d'LES ANTLÉS – “CORPUS DOMINI”**
09.00 Mëssa solena ciantada
Prozesciun Eucaristica cun 2 Vangeli
18.00 †to Paul Adang - aniversar
†ti Paul y Petronilla Vittur
por les families de Lois y Ida Castlunger

• **Recordun che la Gran Mëssa dla Festa d'Les Antlés y dla Festa dl Cör de Gejú sará bele dales 09:00.** •

Dala VITA dla CÜRA

Invit ales Prozesciuns da Festa

I tignun beles les Antlés y la Festa dl Cör de Gejú. La Mëssa mët bele man dales 09:00 por podèi fá ince na bela prozesciun. Präibel, de tó pert cun devoziun y ordine y da sorató i sorvisc preodüs. TI zënter stá la mostranza cun Eucarestia y nos düc sun insciö unis a Gejú tl Santiscimo Sacramënt.

oooooooooooooooooooooooooooo

Cun les Mësses de conclujiun podunse ince stlü jö l'Ann de Scora y spo scomencia les ferias. N bel gran giulan ales maestres y geniturs y a düta la Scora por les beles Mësses di Scolars. N bel giulan ince dles Mësses dla jöbia sëra. N giulan particular a düc i ministranc tan « fleißig ». Ince d'isté inviunse da gní a Mëssa la domènia y periun i ministranc de gní te sacrestia a fá sorvisc.

Siur Degan

Les mësses por la conclujiun dl ann de scora 2016/17 sará:

en mercui, **ai 14 de jügn** dales 08:30 a La lla por la scora mesana
en vëndres, **ai 16 de jügn** dales 08:00 a Badia por la scora elementara.

Leturs: gnide präibel te sacrestia o te calonia a tó la plata nöia por i proscimi mëisc.

Oraziun de Taizé: en vëndres, ai 16 de jügn dales 20:00 te capela a Oies. Düc é dër bel inviá.

Oies: i patri da Oies präia dër bel düc chi che pó, ëi y ëles, a gní en mertesc ai 13 de jügn danmisdé sö Oies a lavé la dlijia y la ciasa vedla de S. Ujöp.



En sabeda ai 17.06.2017 complësc **Lois Castlunger** da Sompunt **85** agn y **Paola Valentini Costisella** da Peslalz **81** agn. Le Senioreclub y düta la Comunità ti aoda a trami düi düc le bun, sanité y benedisciun de Dî.

Recordun bel sëgn che en S. Iaco, ai 23 de lugio, fajunse festa a Siur Sepl Granruaz por so iubileum de 60 agn da prou.
